



16. maai 2022

UPA2022/56

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ukiuni 1960-ikkut qiteqqunneqarannit 1970-ikkut qiteqqunneqarannut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periusersimasaat pillugu Qallunaat naalakkersuisuisa nassuiaateqarnissaannik suliamik aallaartitsinissamik qinnuigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat, Naleraq)

Tunngavilersuut:

Kalaallit arnartaat niviarsiaqqallu tuusintilikkaat pinngitsaaliissumik naartunaveersaammik ikkussuiffigineqarsimapput, allaat angajoqqaat ilisimanngisaannik nakorsat iliuuseqartarsimallutik, tamannalu tusarlugu assut amilaarnarpoq kanngutsinnarluni. Uagut kalaallit pingaartumik niviarsiaqqat arnallu pisinnaatitaaffii ataqpinngilluinnarlugit iliuuseqarfigineqarsimallutik, tamannalu uki-orpassuit ingerlareeraluartut akuersarneqarsinnaanngilluinnarpoq arnanik niviarsiaqqanillu kalaallinik ikkatilliinerulluni.

Kalaallit arnat niviarsiaqqallu inuusuttunnguit 4500-it naartunaveersaasorsorlugit pinngitsaalillugillu pineqarsimanagerat nunatsinni kalaallit najugaqartugut akuersaanngilluinnaripput takutittariaqarparput. Tusartillugu inuiannut pisinnaatitaaffiaanagerat tamannalu Qallunaat Naalakkersuisuinut nunatsinnilu Naalakkersuisuinut apuunneqartariaqarmat imaaliinnarlugumi qaangerneqarsinnaanngilaq akuersarneqarsinnaananilu.



Naleraq

Kinaassuserput Kalaallit inuppassuillu pingaartumik arnat niviarsiaqqallu pisinnaatitaaffiarneqarsimasut pillugit, uagut Kalaallit inatsisartuini manna ataatsimiinnerput iluatsillugu qulaajaanissaq aallartitariaqalerparput.

Suleriuseq atorneqarsimasoq kanngunarluinnarpoq, kalaallillu arnaartaannut niviarsiaqqanullu mitallerneruvoq ikkaatilliinerullunilu, tunngavilersuutaallu assut amilaarnaarluni. Tassalu anguniagaa-simalluni kalaallit amerliartornissaat unitsittariaqartut, kalaallit arnartaat niviarsiarartaallu naartusinnaajunnarlugit allaat Qallunaat naalakkersuisuisa inatsimmik allanngulluillutik nakorsat pisinnaatitsisummik tunineqarsimasut, 18-it inorlugit ukiullit inuusuttunnguit arnat niviarsiaqqallu angajoqqaavi apersunngikkaluarlugit namminneq iliuuseqarsinnaatissimallugit.

Kanngusuppugut Qallunaat oqartussaasuisa nunarsuarmi imminnut inuit pisinnaatitaaffiiniq aam-malu kiffaangissutsimik illersuinerpaasutut nittarsaattartut taamak soqutigittaatigusumik iliuuseqarsinnaammata iliuuseqarsimallutillu. Taamaattumik qulaajaanissamik inatsisartut aalajangiiffisassaattut siunnersuut matumuuna Naleqqamiit saqqummiupparput.

Pisortanut aningaasatigut allaffissornikkullu kingunerisassai:

Qallunaat naalakkersuisuinut saaffiginnissut Namminersorlutik Oqartussat saaffiginissuutaat ilima-gineqarpoq qaammatit pingasut sinnernagit suliap ingerlanneqarsinnaanera (miss. 125.000 kr.)

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.